



2015

## Concello de Vilasantar

(Ru s/n 15807 Vilasantar- Galiza)

[www.vilasantar.com](http://www.vilasantar.com)

---

### Acta da sesión ordinaria do pleno nº 14/15

Data 11-12-2015

**Acta anterior 23-10-2015**



# Concello de Vilasantar

(Ru s/n 15807 Vilasantar- Galiza)

www.vilasantar.com

## Asistentes:

### Alcalde

D. Fernando Pérez Fernández

### Concelleiros presentes

D. Oscar Vázquez Corral  
D. José David Pintor Pazo  
Dª. María del Carmen Torreiro Cotos  
D. Jesús Gómez García  
D. José Emilio Mahía Neira  
Dª Manuela García Freire  
D. José Antonio Cotos Seoane  
-Dª. Marta García Sánchez

### Non asisten

### Secretario.

D. Afonso Bieito Lorenzo Penela.  
do inicio de tratamiento dos distintos puntos referirase ao tempo da gravadora.

A continuación pasouse ao estudio da orde do día, adoptándose sobre os asuntos contidos na mesma os seguintes acordos:

## **1.- Aprobación de actas anteriores (00h 00")**

O alcalde expón que a acta que corresponde aprobar é a 11 de 2015, de data 21-10-2015.

*Mientras se estuda este punto sae un momento a concelleira do BNG Marta García Sánchez que se incorpora antes da votación, suspendese o debate durante a súa ausencia..*

Non habendo ningunha modificación á súa redacción nin contido apróbase a acta 11 de 2015, de data 21-10-2015.

Quedan pendentes de aprobación as catas 12 e 13 de 2015, ambas do 23-11-2015, por non as ter recibido a totalidade dos concelleiros.

## **2.- Control dos actos de goberno e Comprobación da recepción das actas da Xunta de Goberno Local.(01' 10")**

O alcalde do concello indica que a última acta da que se dou conta ao pleno foi a número 19/15. e hoxe hoxe dse conta dos números 20 a 23, incluídas.

A portavoz do BNG comenta que nalgúns actas fálase de anexos e non chegan eses anexos. O secretario informa dos problemas cos anexos correspondentes aos informes técnico e xurídico, pero que os anexos correspondentes aos decretos si tiñan que estar remitidos. A concelleira do BNG insiste en que non se lle remitiron, acordándose polo alcalde que se faga sen dilacións.

O secretario explica o problema dos anexos, que pretendía ser unha forma máis eficiente de recoller

## **Acta pleno 11/2015**

### **Acta da sesión ordinaria celebrada polo pleno deste concello o día once de decembro de dous mil quince.**

Na casa do concello de Vilasantar, sendo as trece horas e catro minutos do día vinte e un de outubro de dous mil quince, baixo a presidencia do sr. alcalde e coa asistencia dos concelleiros expresados na marxe, reúñese o pleno deste concello no local habilitado ao efecto na Casa do Concello. Inicialmente non ha cidadáns presentes en calidade de público, incorporándose no transcurso da sesión tres.

Aberta a sesión de orde do Sr. presidente indica que esta sesión vai ser gravada. En consecuencia a referencia horaria



# Concello de Vilasantar

(Ru s/n 15807 Vilasantar- Galiza)

[www.vilasantar.com](http://www.vilasantar.com)

información relevante dos asuntos, pero que se chega a facer excesiva, e por tanto ineficiente, nalgúns actas, polo que a partir de agora remitiranse como anexos os decretos e algún outros que se considere relevante, pero os informes que motivan os acordos incluiranse nos aspectos relevantes no corpo da acta, como se facía anteriormente.

*(Neste momento entran dúas persoas entre o público).*

Transcorridos 6'48" a continuación a portavoz do BNG quéixase de que nas facturas non veñen os conceptos e que sendo así terán que pedir fotocopias de todas as facturas, o que si que vai causar máis traballo, contestando o alcalde que entendía que iso xa se recollera.

O secretario pregunta á portavoz do BNG en que normativa se establece como teñen que ir reflectidas as facturas das que se dá conta aos concelleiros, en concreto onde di que ten que ir recollido específicamente o concepto de todas as que see aproban no concello nun exercicio, porque as facturas xa van explicadas do xeito que se recollen na plataforma contable (sicalwin) contestando a portavoz do BNG que eles non din iso, que só din que o feito de non estaren recollido o concepto suponllles un custo a eles e ao concello e o sr. alcalde contestou, xa en tres plenos distintos, que logo se poría o concepto. Que dende o concello se di que o problema é que pór o concepto a cada factura que se aproba dá moito traballo ao que, continúa Manuela García Freire, xa temos contestado que seguramente vai dar moito máis traballo que pidamos copias de todas as facturas.

*No transcurso deste debate entra no pleno unha cidadá en calidad de público asistente.*

O alcalde remata dicindo que o faremos.

## **3.- Aprobación no seu caso do Plan de Obras e Servizos Municipais POS 2016 (08'41")**

Antes de empezar a intervención do alcalde a portavoz do BNG, Manuela García Freire interrómpelo para pedir que o debate sobre as facturas se recolla na redacción da acta, contestando o secretario que evidentemente se recollerá, do mesmo que xa está recollido nas anteriores.

A continuación o Sr. alcalde explica brevemente o contido da proposta do equipo de goberno para o Plan de Obras e Servizos Municipais POS 2016 , indicando que unha parte irá para gasto corrente, en concreto 61.098,17 euros, indo o resto (77.512,01 euros) para Acondicionamento de camiños (O Conchovello, Os Currás, Panacioi, Raído, Eirixe-Follente, Raposeiras, Calzada, Cernadas, Cezar e Tamou). A cantidade non dá para máis.

Transcorridos 10'04" toma a palabra José Antonio Cotos Seoane, en representación do BNG que indica que eles propuxeran o aglomerado da pista de Barbeito, pois pensamos que as pistas deben amañarse ben, con aglomerado, para que dure tempo, senón para ano vai haber que volver a elas.

Interrómpelo o alcalde producíndose un debate sobre as custos dunha ou outra actuación e que se fai entremontres coas que están mal.



## Concello de Vilasantar

(Ru s/n 15807 Vilasantar- Galiza)

www.vilasantar.com

Marta García Sánchez intervén para preguntar pola pista da Cruz de Guerra Panacioi en que entende que imos amañar un anaco que corresponde a un concello veciño e no de Follente parece que hai un erro no proxecto, con respecto ao final do seu trazado, considerando que pode ser un erro, contestando o alcalde que por suposto que non lle imos amañar nada ao concello veciño.

Marta García Sánchez pregunta como se vai facer na pista de Follente como se vai facer co cemento posto para o novo colector, porque deixouse a cuneta sen salvafoxos, contestando o alcalde que brigada do concello pasará a desbrozadora pola beira, iniciándose un debate sobre a necesidade do salvafoxo ou non nesas pistas, e quen aprobou ou non o proxecto en cuestión

José Antonio Cotos Seoane indica que áinda que un proxecto sexa aprobado por unanimidade nun pleno o responsábel do mesmo é o alcalde, iniciándose un novo debate sobre se se vai cambiar o trazado dunha pista por concentración parcelaria.

Transcorridos 18'51" sométese a aprobación do POS 2016 a votación, sendo aprobado por 6 votos a favor (PP) e 3 abstencíóns (BNG), adoptándose en consecuencia os seguintes acordos:

1.- “Participar no **Plan provincial de cooperación ás obras e servizos de competencia municipal (POS) 2016** da Deputación provincial da Coruña, cuxas bases se coñecen e aceptan na súa totalidade, e solicitar a aplicación da achega provincial asignada aos investimentos e, no seu caso, ao financiamento dos gastos correntes do exercicio 2016, e de acordo co financiamento que se indica:

### A ) Realización de obras e subministracións:

Denominación da obra ou subministración	Deputación	Concello	Orzamento total
PROXECTO DE ACONDICIONADO DE CMIÑOS DE CONCHOVELLO, CURRÁS, RAÍDO E OUTROS	77.512,01	0	77.512,01
<b>SUBTOTAL OBRAS / SUBMINISTRACIÓN</b>	<b>77.512,01</b>	<b>0</b>	<b>77.512,01</b>

Aprobar os proxectos das obras ou os pregos das subministracións incluídos na anualidade 2016 e que se relacionan nesta táboa.

### B ) Financiamento de gastos correntes:

	Deputación
Achega provincial aplicada ao financiamento de gastos correntes	61.098,17
<b>SUBTOTAL GASTO CORRENTE</b>	<b>61.098,17</b>

### C ) Resumo:



# Concello de Vilasantar

(Ru s/n 15807 Vilasantar- Galiza)

[www.vilasantar.com](http://www.vilasantar.com)

SUBTOTAIS	Deputación	Concello	Orzamento total
<b>SUBTOTAL OBRAS /SUBMINISTRACIÓN</b>	77.512,01		77.512,01
<b>SUBTOTAL GASTOS CORRENTES</b>	61.098,17		61.098,17
<b>T O T A L</b>	<b>130.610,98</b>		<b>130.610,98</b>

2.- Aprobar o Plan complementario do ano 2016 no que se inclúen as obras ou subministracións que a continuación se indican e aprobar os correspondentes proxectos ou pregos de prescripcións:

Denominación da obra ou subministración	Orzamento
<b>TOTAIS</b>	

3.- Declarar que o Concello ten a dispoñibilidade dos terreos, augas e servidumes para a execución dos investimentos, e que ten resolto o relacionado coas concesións e autorizacións administrativas que legalmente sexan necesarias.

4.- Comprometerse o Concello a incluír no orzamento municipal do 2016 os fondos necesarios para facer fronte á achega municipal das obras incluídas na anualidade do 2016 se a houbera.

5.- Solicitar da Deputación Provincial da Coruña, a delegación neste Concello da contratación e execución das obras ou subministracións incluídas no plan, que se entenderá aceptada si esta se produce efectivamente.

6.- Declarar que o concello non solicitou nin percibiu ningunha subvención doutras Administracións públicas para o financiamento do investimento ou, no caso de que existan axudas ou subvencións concorrentes doutras Administracións para a súa execución, achégase o detalle de cada unha delas, acreditándose que a súa suma total non supera o 100% do seu importe.

7.- Autorizase á Deputación a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

8.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente.”

## **4.- Aprobación no seu caso do Plan de Acción Social PAS 2016 (19' 06").**



## Concello de Vilasantar

(Ru s/n 15807 Vilasantar- Galiza)

www.vilasantar.com

A continuación o alcalde explica a proposta do grupo de goberno para o Plan de Acción Social da deputación provincia (189.013,88 euros), indicando que, nunha primeira parte de 102.000, inclúese a que debería de ser a achega municipal á obra, que se inclúe nun convenio tamén coa deputación provincial, para rematar e completar a rede de abastecemento de augas a San Vicenzo.

O resto do Plan será de 34.000 para acondicionamento de camiños de Priorato a Fachal e 51.000 en arranxo de instalacións municipais, que á súa vez divídese en parque cuberto (porche infantil) do CEIP de Présaras, que no proxecto se chama parque infantil (o que provoca un breve debate cos concelleiros do BNG sobre a denominación, indicando o alcalde que a obra faise a petición do CEIP) da o resto para amanío do local de Vilariño, pretendendo rematar as obras neste local

Transcorridos 21' 39" toma a palabra a portavoz do BNG, Manuela García Freire, quen pregunta pola obra da parte de atrás do local de San Vicenzo, que non aparece recollida. Contesta o alcalde que non deu para máis.

Continúa Manuela García Freire que, polo que, desbotouse a posibilidade amañar unha vivenda para caso de emergencia.

A continuación pregunta por cantos cartos se levan gastados no local de Vilariño antes deste PAS e agora co PAS.

O alcalde contesta que pretenden acabar as obras que empescen, con estas obras o local de Vilariño quedaría rematado, cun local abaixo e outro local arriba, igual que existe en Présaras a Casa da xuventude más o local de abaixo. En Vilariño só faltaría amañar as ventás, explicando en que consistirían as obras.

Manuela García Freire critica a obra pois considera que habería outras más necesarias, pois a veciñanza de Vilariño xa ten un local social, contestando o alcalde que o servizo dese local non sería só para Vilariño, que podería servir, como a de Présaras, para meter unha familia en caso de necesidade, o que xera un debate sobre esa eventual necesidade e se con ese andar quedaría cuberta.

Rematado o debate deste punto e transcorridos 28'00" sométese a votación resultando aprobado por 6 votos a favor (PP) e 3 abstencións (BNG), adoptándose en consecuencia os seguintes acordos:

1.- "Participar no **Plan de acción social (PAS) 2015** da Deputación Provincial da Coruña, cuxas bases se coñecen e aceptan na súa totalidade, e solicitar a aplicación da subvención asignada aos seguintes investimentos financeiramente sostibles, de acordo co financiamento que se especifica, aprobando os seus proxectos das obras ou pregos das subministracións:

### **A ) Investimentos financeiramente sostibles de carácter social:**

Denominación da obra ou subministración	Deputación	Concello	Orzamento total
Arranxo de instalacións municipais	51.951,11	0	51.951,11



## Concello de Vilasantar

(Ru s/n 15807 Vilasantar- Galiza)

www.vilasantar.com

<b>SUBTOTAL INVESTIMENTOS DE CARÁCTER SOCIAL</b>	51.951,11	0	51.951,11

## B ) Outros investimentos financeiramente sostibles:

Denominación da obra ou subministración	Deputación	Concello	Orzamento total
Ampliación e remate da rede de abastecemento en San Vicenzo	102.428,75	0	102.428,75
Proxecto de acondicionado de camiños de Fachal e Priorato	34.634,02	0	34.634,02
<b>SUBTOTAL OUTROS INVESTIMENTOS</b>	137.062,77	0	137.062,77

## C ) Resumo:

Denominación da obra	Deputación	Concello	Orzamento total
<b>SUBTOTAL INVESTIMENTOS DE CARÁCTER SOCIAL</b>			
<b>SUBTOTAL OUTROS INVESTIMENTOS</b>			
<b>TOTAL</b>			

2.- Aprobar o Plan complementario no que se inclúen as obras ou subministracións de carácter social que a continuación se indican e aprobar os correspondentes proxectos ou pregos de prescripcións:

Investimentos financeiramente sostibles de <u>carácter social</u>	Orzamento
<b>TOTAIS</b>	

3.- Declarar que o Concello ten a disponibilidade dos terreos, augas e servidumes para a execución dos investimentos, e que ten resolto o relacionado coas concesións e autorizacións administrativas que legalmente sexan necesarias.



## Concello de Vilasantar

(Ru s/n 15807 Vilasantar- Galiza)

www.vilasantar.com

4.- Comprometerse o Concello, no seu caso, a incluir no orzamento municipal os fondos necesarios para facer fronte á achega municipal das obras incluídas neste Plan se a houbera.

5.- Solicitar da Deputación Provincial da Coruña, a delegación neste Concello da contratación e execución das obras ou subministracións incluídas no plan, que se entenderá aceptada si esta se produce efectivamente.

6.- Declarar que o concello non solicitou nin percibiu ningunha subvención doutras Administracións públicas para o financiamento do investimento ou, no caso de que existan axudas ou subvencións concorrentes doutras Administracións para a súa execución, achégase o detalle de cada unha delas, acreditándose que a súa suma total non supera o 100% do seu importe.

7.- Autorizase á Deputación a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

8.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente.”

### **5.- Aprobación no seu caso do Convenio de colaboración entre a Axencia galega de infraestruturas e o concello de Vilasantar para a execución das actuacións na travesía urbana da AC-194 (28' 18").**

A continuación o alcalde explica a proposta do grupo de goberno para a sinatura dun Convenio de colaboración entre a Axencia galega de infraestruturas e o concello de Vilasantar para a execución das actuacións na travesía urbana da AC-194, na parroquia de Vilasantar, expoñendo que xa antes a equipa de goberno conseguiu algunas obras de mellora. Indica que se debería recibir a travesía, pero que antes de recibila terían que fazer unha serie de amanos e melloras na mesma, mencionando varios aparcadoiros para resolver o grave problema que obriga aos veciños a aparcar enriba das beirarrúas, e, con respecto ao novo cemiterio, construír unha beirarrúa ata a súa entrada, que describe, e, tamén, aparcadoiros para o seu servizo. A continuación describe as obras, que cuantifica en 295.000 euros e o proxecto redáctao a Axencia de Infraestruturas. En resumo, despois de negocialo coa Xunta, propoñemos este convenio

*Neste momento abandona momentaneamente a sesión a concelleira do BNG Marta García Sánchez.*

A continuación, transcorridos 34' 27", toma a palabra o concelleiro do BNG, José Antonio Cotos Seoane, que pregunta ao alcalde se xa ten o proxecto, contestando este que si.

A continuación o alcalde informa de que hoxe mesmo, despois por tanto da convocatoria do pleno, a Xunta de Galiza decatouse dun erro no modelo de convenio proposto, propoñendo modificacións que explica: Na folla número 1 modifícase a parte segunda para incluir precisamente os aparcadoiros para evitar os aparcamentos indebidos dos que falei antes. Tamén se modifica a páxina número 4, no penúltimo apartado o punto número 2, para incluir a aplicación orzamentaria e o



## Concello de Vilasantar

(Ru s/n 15807 Vilasantar- Galiza)

[www.vilasantar.com](http://www.vilasantar.com)

código do proxecto. Pásalle copia da nova redacción ao grupo do BNG. O novo convenio recibiuse no correo electrónico ás nove horas da mañá.

Manuela García Freire, portavoz do BNG, (35'58) protesta polo feito de non se lles ter informado da modificación cando foron ver a documentación pola mañá, entendendo que tiña que telos avisado o secretario, respondendo este que o que lle pediron foi directamente os proxectos das obras do POS e do Pas, que foi o que lles entregou. A portavoz do BNG entende que tiñan dereito a ser informados da modificación. O alcalde explica que os cambios son só que se engade a palabra “aparcamentos”despois de beirarrúas e que inclúe a aplicación orzamentaria que cambia para ser, en vez da 07 a 08 e que o código do proxecto antes non aparecía e agora especifícase que é “2016 00009”. A portavoz do BNG protesta fortemente indicando que lle parece fóra de lugar que non se lles entregaran as modificacións, contestando o alcalde que se lles esquecera tanto a el como a secretario e indicando o secretario que non, que el entregara a documentación que se lle pediu, que foron, exclusivamente, os proxectos, o que provoca un forte debate, pois a portavoz do BNG entende que cando pedían os proxectos estaban pedindo toda a documentación do pleno pois o resto xa se supoñía que fora remitida por correo. Quere que conste en acta a queixa.

*No minuto 37' 20" reincorpórarse á sesión a concelleira Marta García Sánchez*

Transcorridos 40' 29" intervén José Antonio Cotos Seoane, concelleiro do BNG, quen pregunta se a partir das obras se terá que facer cargo das mesmas o concello, contestando o alcalde que si, engadindo entón José A. Cotos Seoane que entón habería que mirar como queda o asfaltado, preguntan se se contempla no proxecto e contestando o alcalde que non, que o convenio é só para a vía de Vilasantar, non para a de Présaras e explicando as obras que se van facer e que todo convenio ten aspectos positivos e negativos e que o firme terá que facerse cargo o concello unha vez recibidas.

O concelleiro do BNG José Antonio Cotos Seoane expón a necesidade de aparcamentos, propoñendo facer máis, contestando o alcalde que habería limitacións técnicas, pois son necesarios 2,00 metros de beirarrúas e 1,80 de aparcadoiro en si, e que iso implicaría retranquear moitos cerres de moitos veciños, contestando José Antonio Cotos Seoane que si, que habería que facelo. Engade que o firme igual, que habería que recollelo aglomerado e en boas condicións para evitar gastos a posteriori.

Continúa o debate sobre as cesións que fixeron no seu día os veciños e que algúns negáranse a ceder, por iso nalgúns sitios se poden facer aparcamentos e outros non, comentando José A. Cotos, que hai formas de solucionar estes problemas en atención ao ben común.

Debátese a continuación amplamente do cemiterio e as obras que se realizarán no convenio relacionadas co mesmo e de quen era mérito de lembrarse del (se do alcalde ou de José A. Cotos, como presidente da asociación de veciños) e das peticións que estaban pendentes, como a devolución do Imposto de construcións do mesmo, que habería formas de facelo en opinión de José A. Cotos, e das actuacións que están feitas e como e se o concello colaborou ou non.

Rematado o debate e transcorridos 52' 09" sométese a aprobación do convenio, na súa nova redacción, a votación.



## Concello de Vilasantar

(Ru s/n 15807 Vilasantar- Galiza)

www.vilasantar.com

Nese momento e xusto antes de iniciarse a votación a concelleira-portavoz do BNG, Manuela García Freire intervén para dicir que a Xunta de Galiza debe de deixar o firme en boas condicións, que sería unha condición primordial, explicando así o sentido do seu voto.

Transcorridos 52'59" vótase co resultado de 6 votos a favor (PP) e 3 abstencións (BNG)

### **6.- Proposta de adaptación da oferta formativa do Instituto de Curtis ás demandas do mercado laboral actual, coa proposta de inclusión dos seguintes ciclos: Atención a persoas en situación de dependencia e Electromecánica de Maquinaria. (53' 15")**

A continuación o alcalde explica o proceso que conduciu á elaboración da Proposta de adaptación da oferta formativa do Instituto de Curtis ás demandas do mercado laboral actual, coa proposta de inclusión dos seguintes ciclos: Atención a persoas en situación de dependencia e Electromecánica de Maquinaria, e que conta co apoio dos alcaldes da comarca, da Dirección do centro e a Anpa para solicitar a implantación deses dous novo ciclos. Por tanto dende a alcaldía proponse o apoio a esta proposta do único centro de FP da contorna

Transcorridos 55' 57" toma a palabra a portavoz do BNG, Manuela García Freire quen indica que bota en falta un estudo de que efectivamente son estes dous ciclos os necesarios e non outros ou por que se piden dous e non máis. Contesta o alcalde que moito prevé que concederán un como moito, e se o conceden e que estudáranse máis alternativas pero ao final escolleránse estes dous, explicando os motivos.

Manuela García Freire insiste en que bota en falta o pequeno estudo e de que lle parece unha actitude moi pobre considerar que só se vai poder conseguir un, que haberá que pelexar para conseguir os dous se se pensa que son necesarios, contestando o alcalde que o de que van conseguir un é unha opinión persoal do alcalde, pois recoñece as dificultades de cambiar un ciclo por outros. En resumo que lles parece ben, pero que botan en falta esa pequena análise. Engade que non sabía que se pechaban uns para abrir outros e pregunta cuntos ciclos se van pechar e cuntos se pecharon xa nos últimos anos, contestando o alcalde que non o sabe, que neste momento pensan pechar o de electrónica (ou electricidade) pois só están anotados dous alumnos.

Transcorridos 01h. 00' 07" sométese a votación resultado aprobada a proposta da alcaldía por unanimidade dos asistentes.

### **7.- Cese da Tesoureira municipal e asunción das funcións de tesourería polo secretario interventor. (01h 00" 19")**

A continuación dáse conta do decreto de alcaldía, que se remitiu xunto coa convocatoria, polo que se propón a adopción polo pleno dos seguintes acordos:

*PRIMEIRO.- Propoñer ao pleno do concello a substitución na tesouraría do Concello. Para ese efecto, debe levantarse, acta de arqueo de cesamento (sainte) / toma de posesión (entrante) ou*



# Concello de Vilasantar

(Ru s/n 15807 Vilasantar- Galiza)

[www.vilasantar.com](http://www.vilasantar.com)

*documento similar enorde a fixar o momento temporal de traspaso de funcións, así como das responsabilidades inherentes a ela. A partir dese momento, unicamente existirán xa dous claveros e cuentadantes (Alcalde e Secretario-Interventor-Tesoureira).*

**SEGUNDO.-** Comunicar ás entidades financeiras esta nova situación, de tal forma que a partir da data de acordo plenario, as persoas autorizadas para o manexo de fondos municipais, e por tanto, os claveros, pasan a ser dous (Alcalde e Secretario-Interventor-Tesoureira) en lugar de tres, como eran até agora.

**TERCEIRO.-** Revogar o acordo do pleno de data 26-06-2015 polo que se nomeaba como Concelleira Tesoureira do Concello de Vilasantar a Dª. María Carmen Torreiros Cotos ao atribuirse as citadas funcións ao posto de Secretaría-Intervención.

**CUARTO.-** Incoar o correspondente expediente para a modificación do complemento específico do posto de Secretaría-Intervención debido á necesaria adaptación das retribucións como consecuencia da asunción das novas responsabilidades.

O alcalde do concello explica brevemente as razóns deste decreto que consiste na necesaria adaptación á nova normativa do Real Decreto-Lei 10/2015, de 11 de setembro, polo que se conceden créditos extraordinarios e suplementos de crédito no orzamento do Estado e adóptanse outras medidas en materia de emprego público e de estímulo á economía.

A entrada en vigor deste Real Decreto Lei, produciuse de acordo ao disposto na Disposición final terceira do mesmo o mesmo día da súa publicación (12/09/15).

No concernente ao emprego público, atopamos, entre outras medidas, a contemplada no seu artigo 3 que modifica o apartado 2 do artigo 92 bis da Lei 7/1985, de 2 de abril, de Bases de Réxime Local que queda redactado como segue:

" 2. A escala de funcionarios de administración local con habilitación de carácter nacional se subdivide nas seguintes subescalas:

- a) Secretaría á que corresponden as funcións contidas no apartado 1 a) deste mesmo precepto (A de Secretaría, comprensiva da fe pública e o asesoramento legal preceptivo).
- b) Intervención-Tesouraría, á que corresponden as funcións contidas no apartado 1 b) (O control e a fiscalización interna da xestión económica-financeira e orzamentaria, e a contabilidade, tesouraría e recadación)
- c) Secretaría-Intervención á que corresponden as funcións contidas nos antedichos apartados 1 a) e 1 b)."

A portavoz do BNG pregunta se hai que votar a proposta, contestando o secretario que hai que votar o cesamento, pois a tesourería fora nomeada polo pleno, e tamén o nomeamento, pois este non é automático por aplicación da lei, senón que a mesma lei, e normativa posterior, ofrece varias posibilidade alternativas, independentemente da súa viabilidade real neste momento.

Transcorrido 01h 04' 035" sométese a votación a proposta da alcaldía a cal resulta aprobada por unanimidade dos asistentes e nos seus propios termos.



## Concello de Vilasantar

(Ru s/n 15807 Vilasantar- Galiza)

www.vilasantar.com

### **8.- Operación de tesourería 02/15. (01h 04' 48")**

A continuación o alcalde explica a necesidade desta operación de tesourería, que deriva dos desequilibrios financeiros producidos no 2005, cando que constituír unha por importe de 240.000,00 euros. Actualmente está en 200.000,00 euros. Considera que as condicións ofertadas son as mellores que houbo ata o momento.

Transcorridos 01h 05' 59" toma a palabra a portavoz do BNG Manuela García Freire preguntando por se pode re-negociar a anterior de 109.000 euros contestando o alcalde que se vai facer.

O concelleiro do BNG José Antonio Cotos Seoane opina que hai gastos que son evitábeis, com o xa dixo na Comisión de contas e pregunta por como se vai devolver esta operación de tesourería, pois xa cando se aprobou a anterior o nivel das operacións estaba no máximo permitido, en concreto pregunta que cantidade se vai pagar, referíndose a cantidade exacta que está utilizada, contestando o interventor que sobre 180-185 mil, e que entre as dúas queda por utilizar menos de 50.000 euros

Transcorridos 1h 08' 52" procédese a votación da proposta, adoptándose por 6 votos (PP) a favor e 3 abstencións (BNG), os seguintes acordos:

**PRIMEIRO.** Adxudicar a concertación da operación de tesourería nº 02/2015, coa entidade Abanca, sendo as condicións da operación as seguintes:

Importe.....	200.000,00 euros
Tipo de interese fixo.....	Euribor 3 meses + 0,83 puntos
Prazo.....	1 ano
Comisións apertura.....	0%
Apertura, estudo, non dispoñibilidade.....	0% .

**SEGUNDO.** Notificar o presente acordo ao adxudicatario.

### **9.-Mocións (1h 09' 38")**

A continuación dáse conta da seguinte moción:

### **A/ Mocións 1887 do BNG a prol da ampliación da acreditación por violencia machista e da creación do estatuto do feminicidio (1h 09' 48")**

A continuación dáse conta do Escrito con número de RE 1887 de data 13-11-2015 presentado polo grupo municipal do BNG, denominada “a prol da ampliación da acreditación por violencia machista e da creación do estatuto do feminicidio”, o cal incluíase na documentación remitida xunto á convocatoria da sesión, que se unirá como anexo ao presente acordo e anexo I á acta do presente pleno.

Toma a palabra a portavoz do BNG Manuela García Freire, quen le sucintamente a moción e na súa literalidade a proposta de acordo que é a seguinte:



## Concello de Vilasantar

(Ru s/n 15807 Vilasantar- Galiza)

www.vilasantar.com

Por estes motivos, o grupo municipal do BNG solicita do Pleno da corporación municipal a adopción do seguinte acordo:

*1. Instar á Xunta de Galiza a trasladar ao goberno do Estado a necesidade de modificar a Lei Orgánica 1/2004, do 28 de decembro, de Medidas de Protección Integral contra a Violencia de Xénero, introducindo o termo Feminicidio e iniciar os traballos para desenvolver o Estatuto de Víctima de Feminicidio.*

*Introducir, así mesmo, na citada modificación a acreditativo da situación de violencia machista, recollendo certificado da orde de protección ou medida cautelar, ou documento acreditativo da propia orde de protección ou da medida cautelar; sentenza de calquera orde xurisdiccional que declare que a muller sufriu violencia en calquera das modalidades definidas nesta lei, Tamén a certificación ou informe dos servizos sanitarios e/ou sanitarios e certificación dos servizos de acollida da Xunta de Galiza ou do concello. Informe da Inspección de Traballo e de Seguridade Social e calquera outra que se estableza regulamentariamente.*

*Así mesmo, a iniciar os traballos para modificar a Lei galega 11/2007, do 27 de xullo, para a prevención e tratamiento integral da violencia de xénero para incorporar a regulación do Feminicidio e o estatuto de protección das vítimas de feminicidio.*

*Finalmente, instar á Xunta de Galiza a mellorar os servizos de atención psicolóxica, información, inserción laboral recollidos na Lei galega 11/2007, do 27 de xullo, para a prevención e tratamiento integral da violencia de xénero e garantir que o servizo 016 de atención ás mulleres estará operativo e con medios reais durante todos os días do ano as 24 horas do día.*

*2. Trasladar o presente acordo ao Presidente da Xunta de Galiza e ao do Goberno do Estado.*

Transcorridos 01h 11' 56" toma a palabra o portavoz do PP e alcalde do concello, Fernando Pérez Fernández, quen comenta que estiveron buscando a palabra Feminicidio e non a atoparon ni no dicionario da RAG nin no da RAE, preguntando ao BNG polo seu significado ao que contesta a portavoz do BNG que equivale a parricidio, que hai palabras que ainda non aparecen nos dicionarios, pois os idiomas evolucionan. Quérese definir unha situación espantosa pois dende o 2003 foron asasinadas 800 mulleres.

Fernando Pérez Fernández indica que están de acordo coa moción, que pensan que é fundamental traballar cos nenos.

Transcorridos 01h 14' 00" sométese a votación resultando aprobada a moción por unanimidade

### **6.- Rogos e Preguntas (01h 14' 06")**

Antes de iniciarse este punto o alcalde informa ao pleno que a partir da presente sesión as preguntas realizadas serán respondidas na sesión seguinte, contestando Manuela García Freire (BNG) que neste momento hai moitas preguntas pendentes de resposta.



## Concello de Vilasantar

(Ru s/n 15807 Vilasantar- Galiza)

www.vilasantar.com

---

A/ Diante da factura á empresa Agronovo de 5.000 euros, preguntamos se non hai persoal abondo no concello para tramitar unha subvención(01h 15' 02")

Manuela García Freire, portavoz do BNG, pregunta, diante da factura á empresa Agronovo de 5.000 euros, se non hai persoal abondo no concello para tramitar unha subvención, respondendo o alcalde que se trata dunha subvención para os fondos Feder para a escola ecolólica, contestando a portavoz do BNG que iso xa o sabía, o que queren saber é que proxecto, quedando o alcalde en entregarlo proxecto realizado.

B/ Situación do PXOM (1h. 16' 07")

Manuela García Freire, portavoz do BNG, pregunta pola situación en que se atopa o Plan Xeral de Ordenación Municipal, indicando o alcalde que responderá na próxima sesión.

C/ Aforro de alumeadoo público (1h. 16' 20")

Manuela García Freire, portavoz do BNG, pregunta cal foi o aforro producido no alumeadoo público,indicando que xa o preguntara no pleno anterior. O alcalde indica que non ten ainda todos os datos e que responderá na próxima sesión.

D/ Luminarias de Présaras (1h. 17' 02")

Manuela García Freire, portavoz do BNG, di que esta pregunta xa vén do anterior pleno, e refirese á cal é a situación das luminarias de Présaras, contestando o alcalde que xa chegaron á metade e estamos agardando que veña o resto

E/ Camiño de Vilariño (1h. 17' 42")

Manuela García Freire, portavoz do BNG, pregunta polo camiño de Vilariño que se abrirá cando eles estaban no goberno e volven estar pechados, entendendo que se deberán desbrozar e abrirse

F/ Boletín informativo municipal (1h. 18' 06")

Manuela García Freire, portavoz do BNG, di que esta pregunta xa vén do anterior pleno, e refirese ao pago do Boletín informativo municipal, que non hai factura, contestando o alcalde que si que a hai e que non se lembra se está desglosada, contestando a portavoz do BNG que quere ver a factura, o que orixina un breve debate.

G/ Documental turístico (1h. 19' 43")

Manuela García Freire, portavoz do BNG, di que esta pregunta polo documental que se está a facer, contestado o alcalde que se trata dunha subvención de turismo par aa páxina web.

Manuela García Freire critica que a persoa que sae facendo queixos non os vendeu nunca e que hoxe en día está xubilada que o leite nin sequera foi mercado en Vilasantar, preguntando o alcalde



## Concello de Vilasantar

(Ru s/n 15807 Vilasantar- Galiza)

www.vilasantar.com

que cal é a pregunta, contestando Manuela García Freire que é moi clara, que se é certo o da señora e que o normal sería que, se é para promocionar o concello, o leite tivera sido mercado en Vilasantar. O alcalde comenta que el ainda non puido ver o vídeo e a portavoz do BNG di que ela tampouco, que está preguntando.

### H/ Limpeza da fachada da reitoral (1h. 23' 03")

Manuela García Freire, portavoz do BNG, pregunta pola limpeza da fachada da reitoral, contestando o alcalde que non foi o concello.

### H/ Casa da xuventude de Présaras (1h. 23' 21")

Manuela García Freire, portavoz do BNG, pregunta como se pode pedir a casa da xuventude, contestando o alcalde que calquera local social é dos veciños de Vilasantar, polo que calquera veciño pode solicitar o seu uso, hai que solicitalo no concello e que, a maiores, nese caso hai un acordo cunha asociación xuvenil.

Manuela García Freire indica que non ten coñecemento dese convenio, contestando o alcalde que lle parece que foi de cando se aprobou o funcionamento dos locais sociais.

### I/ Cerre do depósito de San Vicenzo (1h. 25' 05")

Manuela García Freire, portavoz do BNG, indica que un veciño presentou un escrito onde falaba da situación irregular do cerre do depósito de auga de San Vicenzo, que non se contestou, respondendo o alcalde que fixo un escrito e máis unha denuncia formal no pleno. Que hai un informe municipal que se refire tanto ao planeamento anterior como ao novo, que le, sendo segundo o plan de 1998 a distancia ao eixo de camiño de 4,00 metros, faltando 40 centímetros, intervindo unha persoa do público para dicir que non se dirixa a el que non é parte do pleno e iniciándose un debate entre el e o alcalde, que lle di que ainda que o mire non quere dicir que se dirixa a el persoalmente.

*Neste momento (1h 26' 45") a concelleira Marta García Sánchez abandona a sesión aducindo motivos de traballo*

Segue o alcalde lendo o informe que di que segundo o novo pla a distancia ten que ser de 1,5 metros do borde do camiño. Que ese informe se lle remitirá ao veciño que asina o escrito e que se vai medir exactamente e que se hai algunha irregularidade legal farase o que haxa que facer.

### J) Rogos (1h. 29' 19")

A continuación a portavoz do BNG realiza os seguintes rogos

- 1) Que se paguen as dietas aos concelleiros, polo menos aos da anterior corporación.
- 2) Que se paguen as subvencións ás AAVV
- 3) Que na páxina web aparezan as acta e as gravacións dos plenos, contestando o alcalde que se fará se



## Concello de Vilasantar

(Ru s/n 15807 Vilasantar- Galiza)

[www.vilasantar.com](http://www.vilasantar.com)

a lei obriga a facelo.

4) No anterior pleno nomeouse ao BNG por un Watshap onde se falaba do BNG indica que falaron co xornalista da entrevista ao alcalde e que temos a transcripción., iniciándose unha forte discusión onde o alcalde di que pidan a gravación, non a transcripción e preguntan do cal é o rogo.

Manuela García Freire di que o rogo é que o alcalde se retracte pois dixo que non lera a a entrevista antes de publicarse, e iso é mentir a un pleno, o que considera que é moi grave, iniciándose unha nova discusión sobre se é certo ou non.

O alcalde fai un último rogo

1) A todos os concelleiros, que non se utilicen os paneis municipais para pór propaganda electoral, o que provoca unha nova discusión onde a portavoz do BNG pregunta onde está recollido eso, contestando o alcalde que non lle parece que os paneis municipais sexan é o lugar adecuado.

O concelleiro José Antonio Cotos Seoane fai un novo último rogo indicando que hai varios lavadoiros deteriorados, preguntando se se van amañar e quedando o alcalde en contestar no vindeiro pleno.

E non habendo máis asuntos a tratar o Sr. presidente levantou a sesión sendo as catorce horas e trinta e cinco minutos (duración de 1h. 39' 28"), do que eu, secretario, dou fe.

Vº e pr.  
O alcalde.

Asdo. Fernando Pérez Fernández

O secretario.

Asdo. Afonso Bieito Lorenzo Penela.